

AUR. CORN.
C E L S I
D E
M E D I C I N A
L I B R I O C T O

Cum Notis integris

JOANNIS CAESARII, ROBERTI CONSTANTINI,
JOSEPHI SCALIGERI, ISAACI CASAUBONI,
JOANNIS BAPTISTAE MORGAGNI.
Ac locis Parallelis.

Cura & Studio

TH. J. AB ALMELOVEEN,
M. D. ET PROFESSORIS.

*Accedunt J. RHODII vita C. CELSI, Variarum Lectiones
ex tribus antiquis editionibus, itemque Loci aliquot*

HIPPOCRATIS ET CELSI

A B

H E N R I C O S T E P H A N O

παράλληλως concinnati.

Editio Secunda accurate revisa.

B A S I L E A E,
APUD JOH. RUDOLF. THURNEISEN.
M D C C X L V I I I



LECTORI TYPOGRAPHUS

SALUTEM.

Auctorem damus tibi, omnium non Philiatorum solum, verum etiam doctorum quorumvis, quibus elegantiores litterae suo in pretio habentur, iudicio unice probatum. Sesquitertium jam saeculum intercessit, ex quo primum Florentiae editus certatim Italiae, Galliae, Germaniaeque utriusque prelis exceptus, repetitusque fuit. Dignus itaque nobis visus est, qui post editionem **OPORINIANAM**, duobus jam paene saeculis interjectis, iterum in hac urbe typis nostris ederetur. Constitueramus primum litterati cujusdam Viri, Celsique in primis studiosi animadversiones a multis annis elucubratas adjicere. Verum cum is longiorem diem ad eam rem deposceret, satis habuimus in praesentia editionem novissimam **CELSI** & emendatissimam, ac brevioribus, quotquot exstant, eruditorum virorum Scholiis locupletatam, quam Vir industrius **JOH. ARN. LANGERAK** duobus abhinc annis **LUGDUNI BATAVORUM** exhibuit,



A. CORN. CELSI
M E D I C I N A E
L I B E R P R I M U S .

P R A E F A T I O .

UT ALIMENTA fanis corporibus Agricultura, sic ¹ fanitatem aegris Medicina promittit. Haec nusquam quidem non est. Siquidem etiam imperitissimae gentes herbas, aliaque prompta in auxilium vulnerum morborumque noverunt. Veruntamen apud Graecos aliquanto magis, quam in caeteris nationibus, exulta est: ac ne apud hos quidem à prima ² origine, sed paucis ante nos seculis; utpote cum vetustissimus auctor AEsculapius celebretur. Qui, quoniam adhuc rudem & vulgarem hanc scientiam paulo subtilius excoluit, ³ in deorum numerum receptus est. Hujus deinde duo filii, Podalirius & ⁴ Machaon, bello Trojano ducem Agamemnonem secuti, non mediocrem opem commilitonibus suis attulerunt.

Parif. Ed. ARTIUM A. CORN. CELSI LIBER PRIMUS INCIPIT. Mediol. Ed. etiam addit INCIPIT. a Par. abest VOX PRAEFATIO.

¹ De Vet. Med. Tom. viii. 22. ² De Vet. Med. iii. 8. ³ Orat. Theffal. N. 178. ⁴ Orat. Theff. 183. Maxim. Tyr. Dissert. xxix. Plato de Rep. lib. iiii. pag. 407. Tom. 11. ed. H. Steph. Aristides Orat. in Aesclepiada.